

**Talamdan sa
Mga Mensahe alang sa Full-time Training
sa Spring Term sa 2026**

**LINANGKOB NGA HISGOTANAN:
ANG MAHINUNGدانONG MGA PUNTO SA KAMATUORAN SA MGA SULAT NI PABLO—
UNA UG IKADUHANG TESALONICA**

Mensahe 1

**Ang Iglesia nga naa sa Tulo-usang Dios
(1)**

Basahong Kasulatan: 1 Tes. 1:1, 3-6, 10; 2 Tes. 1:1

I. Ang Bag-ong Tugon, sama sa tibuok Biblia, hingpit gyong hinimo ug tinagik sa Diosnong Trinidad—Mat. 28:19; Bug. 1:4-5; 22:1-2:

- A. May kalabotan sa Tulo-usang Dios ang tibuok Bag-ong Tugon; ang Tulo-usang Dios maoy elemento sa pagsulat sa Bag-ong Tugon—Efe. 3:16-19; 4:4-6.
- B. Gipakita sa Biblia kanato ang hulagway sa lihok sa Diosnong Trinidad nga maghuman sa pamatigayon Niya—Luc. 15:3-32; Efe. 2:18.
- C. Gisulat ang Biblia sumala sa nagdumalang prinsipyo sa Tulo-usang Dios nga giumol nganha sa pinili ug tinubos Niyang katawhan isip ilang pagpahimulos, ilimnon, ug tuboran sa kinabuhi ug kahayag—Sal. 36:8-9.
- D. Ang pinadayag kalabot sa Tulo-usang Dios nga naa sa Pulong sa Dios aron man ikapaambit ang Dios diha sa Iyang Diosnong Trinidad nganha sa pinili ug tinubos Niyang katawhan aron makasinati ug makapahimulos sila aron mahimo silang hiniusang pagpadayag Niya hangtod sa eternidad—Efe. 1:3-23; 4:16; Bug. 21:2, 10-11.

II. Gipadayag sa 1 Tesalonica 1 ang Tulo-usang Dios sa tulo-usang pagbuhat Niya—vv. 1, 3-6, 10; 2 Tes. 1:1:

- A. Gipili ta sa Amahan (1 Tes. 1:1, 3-4), giluwat ta sa Anak (v. 10), ug gipasanay, gipaambit, ug gipalatay sa Espiritu Santo ang Tulo-usang Dios nganhi nato (vv. 5-6); kanang tulo-usang buhat aron man makapahimulos ta sa Iyang kaluwasan.
- B. Gipakita ning bahina ang kalihokan sa Diosnong Trinidad diha sa pag-alagad sa ebanghelyo:
 - 1. Hinigugma sa Dios Amahan ang mga magtutuo—vv. 1, 4.
 - 2. Sa nadawat na sa mga magtutuo ang ebanghelyo diha sa gahom sa Espiritu ug inubanan sa kalipay sa Espiritu, nahimo silang mga mag-aawat sa Ginoo—vv. 5-6.

III. Gipahinungod ang Sulat sa 1 Tesalonica “sa iglesia sa mga taga-Tesalonica nga naa sa Dios Amahan ug ni Ginoong Jesucristo”—v. 1:

- A. Sa usa ka bahin, iya sa mga taga-Tesalonica ang iglesia sa Tesalonica; sa laing bahin, naa sa Dios Amahan ug ni Ginoong Jesucristo kining iglesiah:
 - 1. Gipanganak kanang iglesiah sa Dios Amahan pinaagi sa Iyang kinabuhi ug kinaiya ug organicong nausa ni Ginoong Jesucristo sa tanan Niyang pagkamao ug nabuhat—Juan 1:12-13; 1 Cor. 1:30; 6:17.
 - 2. Makita gyod unta nato nga hinimo ang iglesia sa mga tawong naa sa Dios Amahan ug ni Ginoong Jesucristo, kadtong dunay kinabuhi sa Dios ug organicong nausa ni Cristo—Juan 3:15; 15:1, 5.
- B. Sa paghisgot ni Pablo sa iglesia nga naa sa Dios Amahan ug ni Ginoong Jesucristo, sa pagkatinuod gipasabot niya nga naa sa Tulo-usang Dios ang iglesia—1 Tes. 1:1; 1 Cor. 1:2; 12:4-6:

1. Pulos nagpasabot sa Espiritu ang mga pamulong sa *Dios Amahan* ug ni *Ginoong Jesucristo*; busa, sa 1 Tesalonica 1:1 gipasabot ug masabtan ang Espiritu, ug makahisgot ta sa iglesia nga naa sa Tulo-usang Dios.
2. Kay dili man mabulag ang tulo sa Diosnong Trinidad, naa ngani nato ang una, ang Amahan, naa sab nato ang ikaduha, ang Anak, ug ang ikatulo, ang Espiritu—Mat. 12:28; Rom. 8:11; Gal. 4:4-6.
3. Usa ra ka Dios ang Amahan, ang Anak, ug ang Espiritu, dili tulo; managlahi Sila apan dili bulag—2 Cor. 13:14:
 - a. Dili nato mabulag ang Anak sa Amahan, o ang Amahan ug ang Anak sa Espiritu, kay dungan mang naanaa ug nagpuy-anay sa usag usa kining tulo—Juan 14:10-11.
 - b. Sa Ilang walay kataposang dungan nga pagkaanaa managlahi ang tulo sa pagka-Dios, apan nag-usa Nila ang Ilang walay kataposang pagpuy-anay sa usag usa.
4. Sa diosnong pamatigayon nagbuhat ug napadayag ang tulo sa Diosnong Trinidad sa tulo ka sunodsunod nga hugna—Efe. 1:3-14:
 - a. Ang Amahan maoy nagplano, nagsugod, ug nagpasiugda—vv. 3-6.
 - b. Gihuman sa Anak ang tanang giplano, gisugdan, ug gipasiugdahan sa Amahan—vv. 7-12.
 - c. Gipatuman ug giaplikar sa Espiritu ang giplano sa Amahan ug gihuman sa Anak—vv. 13-14.
 - d. Ang Amahan maoy nagpili, ang Anak maoy nagluwas, ug ang Espiritu maoy nagpaambit, o nagpasanay—1 Tes. 1:3-6, 10.
5. Inig-abot sa Anak, moabot Siya uban sa Amahan ug pinaagi sa Espiritu; maamgohan ang Anak ingon nga Espiritu, ug moabot ang Espiritu ingon nga Anak uban sa Amahan—Juan 14:26; 15:26.
- C. Kanang naa ang iglesia sa Dios Amahan ug ni Ginoong Jesucristo nagpasabot nga naa ang iglesia sa nahikay nga Tulo-usang Dios—Mat. 28:19; Efe. 4:4-6:
 1. Segun sa Biblia, wala gyoy giingon nga naa sa Dios ra ang iglesia; naa hinuon sa nahikay nga Tulo-usang Dios ang iglesia—2 Cor. 13:14.
 2. Wala pa mahikay ang Dios sa Genesis 1, apan sa Bag-ong Tugon nahikay nga Tulo-usang Dios na Siya—Juan 7:37-39; Fil. 1:19.
 3. Nagpasabot ang *nahikay* sa mahinungdanong mga lakang nga giagian sa Tulo-usang Dios diha sa diosnong pamatigayon: pagpakatawo, pagkinabuhi isip tawo, pagkalansang sa krus, ug pagkabanhaw:
 - a. Sa pagkalansang sa krus gihuman sa Ginoo ang katubsanan, ang pagtapos sa daang kabuhatan, ug ang paglaglag kang Satanas—Efe. 1:7; Rom. 6:6; Heb. 2:14.
 - b. Sa pagkabanhaw gipagitib Niya ang bag-ong kabuhatan—2 Cor. 5:17.
 - c. Karon Siya ang Espiritung taghatag-og-kinabuhi nga kinataposang kahingpitan sa nahikay nga Tulo-usang Dios—1 Cor. 15:45b; 2 Cor. 3:17a.
 4. Ang iglesia nga naa sa nahikay nga Tulo-usang Dios mao ang iglesia nga naa Niya nga nahimong Espiritung taghatag-og-kinabuhi nga uban sa Amahan ug sa Anak—Juan 14:20:
 - a. Ang nahikay nga Tulo-usang Dios nidangat nato, nikontak nato, ug giaplikar kanato sa atong kasinatian ingon nga Espiritung taghatag-og-kinabuhi—1 Cor. 15:45b.
 - b. Naa sa Anak ang Amahan, ug Espiritung taghatag-og-kinabuhi na karon ang Anak nga nagpuyo nato—Juan 14:10-11, 16-17, 20.
 - c. Kon naa ta sa Dios Amahan ug ni Ginoong Jesucristo, naa ta sa Espiritu; busa, kita ang iglesia nga naa sa nahikay nga Tulo-usang Dios.
- D. Kon makita nato ang panan-awon sa iglesia nga naa sa Tulo-usang Dios, mokontrol kining panan-awona sa atong panghunahuna, mga kalihokan, ug sa tibuok natong kinabuhi—Prov. 29:18a; Buh. 26:19.